

BOSNA I HERCEGOVINA
Federacija Bosne i Hercegovine
TUZLANSKI KANTON
V L A D A

Broj: 02/1- 11- 27 392 /23
Tuzla, 24.10.2023. godine

Na osnovu člana 5. i 29. Zakona o Vladi Tuzlanskog kantona („Službene novine Tuzlanskog kantona“, br. 17/00, 1/05, 11/06, 13/11 i 15/17), Vlada Tuzlanskog kantona na sjednici održanoj dana 24.10.2023. godine, d o n o s i

O D L U K U
o utvrđivanju prijedloga Odluke

I

Utvrđuje se prijedlog Odluke o kreditnom zaduženju Tuzlanskog kantona kod Razvojne banke Federacije Bosne i Hercegovine.

II

Prijedlog Odluke o kreditnom zaduženju Tuzlanskog kantona kod Razvojne banke Federacije Bosne i Hercegovine uputit će se Skupštini Tuzlanskog kantona na razmatranje i donošenje.

III

Ova Odluka stupa na snagu danom donošenja.

DOSTAVITI:

- 1 x Skupštini Tuzlanskog kantona**
- 1 x Ministarstvu finansija**
- 1 x Evidenciji**
- 1 x a/a**



PREMIJER KANTONA

Irfan Halilagić

Na osnovu člana 24. stav 1. tačka c) Ustava Tuzlanskog kantona ("Službene novine Tuzlansko-podrinjskog kantona", broj: 7/97 i 3/99 i "Službene novine Tuzlanskog kantona", broj: 13/99, 10/00, 14/02 i 6/04 i 10/04), člana 38. stav (1) tačka 5. a u vezi sa članom 41. Zakona o dugu, zaduživanju i garancijama u Federaciji Bosne i Hercegovine („Službene novine FBiH“, br. 86/07, 24/09, 44/10 i 30/16) i članom 53. stav (2) i člana 54. stav (1) tačka 2. Zakona o izvršenju Budžeta Tuzlanskog kantona za 2023.godinu („Službene novine Tuzlanskog kantona“, br.22/22,3/23 i 10/23), na prijedlog Vlade Tuzlanskog kantona, Skupština Tuzlanskog kantona, na sjednici održanoj dana _____ 2023. godine, d o n o s i:

O D L U K U

O KREDITNOM ZADUŽENJU TUZLANSKOG KANTONA KOD RAZVOJNE BANKE FEDERACIJA BOSNE I HERCEGOVINE

I

Odobrava se kreditno zaduženje Tuzlanskog kantona kod Razvojne banke Federacije Bosne i Hercegovine (u daljem tekstu: Razvojna Banka) u svrhu finansiranja kapitalnih projekata na području Tuzlanskog kantona u iznosu do 20.000.000,00KM (slovima:dvadesetmiliona KM).

II

Kreditna sredstva iz tačke I ove odluke namijenjena su za finansiranje sljedećih kapitalnih projekata:

- a)finansiranje izgradnje zgrade Policijske uprave u Živinicama-procjena vrijednosti projekta-cca 2.5000.000,00 KM,
- b) finansiranje izgradnje zgrade Općinskog suda u Lukavcu-procjena vrijednosti projekta-cca 2.500.000,00 KM,
- c) finansiranje izgradnje, adaptacije, opremanja i vanjskog uređenja Kampusa JU Univerziteta u Tuzli-cca 10.000.000,00 KM,
- d) finansiranje rekonstrukcije i adaptacije zgrade Vlade Tuzlanskog kantona (SODA-SO) u Tuzli-procjena vrijednosti projekta-cca 5.000.000,00 KM,

III

Kreditna sredstva iz tačke I ove odluke prihvataju se pod slijedećim uslovima:

- Iznos kredita do 20.000.000,00 KM KM,
- Rok otplate 12 godina,
- Grace period do 12 mjeseci (uključen u rok otplate),
- Nominalna kamatna stopa 2,90 % fiksna na godišnjem nivou,
- Jednokratna naknada za obradu kreditnog zahtjeva 0,30 % od iznosa odobrenog kredita,
- Otplata kreditamjesečna, kvartalna ili polugodišnje i
- Minimalan iznos pojedinačnog kredita..... 50.000,00 KM

IV

Izuzetno, ovlašćuje se Vlada Tuzlanskog kantona da može svojom odlukom, na obrazložen prijedlog resornog ministarstva, izmjeniti kapitalni projekat koji se finansira iz sredstva kreditnog zaduženja navedenog u tački II ove odluke.

Pod izuzećem u smislu stava 1. ove tačke podrazumjeva se, da za kapitalni projekat ne bude blagovremeno pripremljena sva potrebna dokumentacija (urbanistička saglasnost, građevinska dozvola ili druga dokumentacija), da se ne otpočne sa građenjem u ostavljenom roku ili da Razvojna Banka odbije zahtjev za kreditiranje kapitalnog projekta.

Odluka o izmjeni kapitalnog projekta koji se finansira iz sredstava kreditnog zaduženja kod Razvojne Banke iz stava 1. ove tačke obavezno mora sadržavati naziv kapitalnog projekta koji se izuzima od kreditnog finansiranja sa obrazloženjem, naziv novog kapitalnog projekta i iznos procjenjene vrijednosti projekta.

V

Izuzetno, ovlašćuje se Vlada Tuzlanskog kantona da može svojom odlukom, na obrazložen prijedlog resornog ministarstva, izmijeniti visinu kreditnih sredstava za finansiranje pojedinačnih projekata iz tačke II ove odluke.

Pod izuzećem u smislu stava 1. ove tačke podrazumjeva se unutarnja preraspodjela iznosa novčanih sredstava između pojedinačnih projekata navedenih u tački II ove odluke.

VI

Tuzlanski kanton se obavezuje da će u svrhu naplate svih potraživanja po ovom kreditu, kao sredstvo obezbjeđenja Razvojnoj Banci dostaviti bjanko mjenice, kojim Tuzlanski kanton ovlašćuje Razvojnu Banku da primljene bjanko mjenice može koristiti za naplatu dospjelog potraživanja.

VII

U periodu dospijeca obaveza po kreditu potrebno je osigurati sredstva iz budžeta Tuzlanskog kantona za izmirenje dospjelih obaveza.

VIII

Za potpisivanje svih ugovora na osnovu ove odluke, ovlašćuje se ministar finansija Tuzlanskog kantona.

IX

Za realizaciju ove Odluke i izvještavanje zadužuju se Ministarstvo finansija Tuzlanskog kantona i resorna ministarstva po projektima finansiranja.

Ova Odluka će se dostaviti Razvojnoj Banci.

X

Ova Odluka stupa na snagu danom donošenja, a objavit će se u “Službenim novinama Tuzlanskog kantona”.

BOSNA I HERCEGOVINA
Federacija Bosne i Hercegovine
TUZLANSKI KANTON
S k u p š t i n a

Predsjednik
Skupštine Tuzlanskog kantona
Žarko Vujović, v.r.

Broj:
Tuzla,

O B R A Z L O Ž E N J E

Vlada Tuzlanskog kantona iskazala je zainteresiranost prema Razvojnoj banci Federacije BiH kao finansijskoj instituciji čija je zadaća provođenje ekonomske politike Vlade Federacije BiH radi privrednog razvoja i zapošljavanja, kroz stimulatívno kreditiranje koje podrazumijeva razvojne stimulatívne i diferencirane kamatne stope, koje su u naravi niže od tržišnih kamatnih stopa da započne pregovore i proceduru kreditnog zaduženja Tuzlanskog kantona u iznosu cca 20.000.000,00 KM.

Kreditno zaduženje bilo bi namijenjeno za finansiranje kapitalnih projekata na području Tuzlanskog kantona, konkretno:

- a) finansiranje izgradnje zgrade Policijske uprave u Živinicama - procjena vrijednosti projekta-cca 2.500.000,00 KM,
- b) finansiranje izgradnje zgrade Općinskog suda u Lukavcu - procjena vrijednosti projekta-cca 2.500.000,00 KM,
- c) finansiranje izgradnje, adaptacije, opremanja i vanjskog uređenja Kampusa JU Univerziteta u Tuzli-cca 10.000.000,00 KM,
- d) finansiranje rekonstrukcije i adaptacije zgrade Vlade Tuzlanskog kantona (SODA-SO) u Tuzli-procjena vrijednosti projekta-cca 5.000.000,00 KM.

Naime, Razvojna banka Federacije BiH ima aktivnu-Kreditnu liniju za finansiranje investicionih projekata općina, gradova, kantona i Federacije BiH- te je Vlada Tuzlanskog kantona mišljenja da ispunjava uslove u pogledu propisane namjene kreditne linije, statusa korisnika kredita i obezbjeđenja instrumenata naplate kredita.

Takođe, Izmjenama i dopunama Budžeta Tuzlanskog kantona za 2023. godinu planirano je kreditno zaduženje Tuzlanskog kantona u iznosu cca 20.000.000,00 KM, te su stvoreni uvjeti za pokretanje procedure kreditnog zaduženja Tuzlanskog kantona pod uvjetima i na način utvrđen za obradu kreditnog zahtjeva od strane Razvojne banke Federacije BiH i propisanom dokumentacijom i obrascima.

Članom 53. stav (2) i članom 54. stav (1) tačka 2. Zakona o izvršenju Budžeta Tuzlanskog kantona za 2023.godinu („Službene novine TK“, br.22/22 i 3/23) utvrđeno je da o visini zaduživanja i garancijama odlučuje Skupština Kantona, na prijedlog Vlade Kantona, te da se Kanton može zadužiti za finansiranje kapitalnih investicija ili posebnih programa odobrenih od strane Skupštine Tuzlanskog kantona.

Članom 19. stav (1) tačka 3. Zakona o dugu, zaduživanju i garancijama u Federaciji BiH („Službene novine FBiH“, br. 86/07, 24/09, 44/10 i 30/16) utvrđeno je da kantoni mogu stvoriti obaveze na osnovu unutrašnjeg duga u svrhu finansiranja kapitalnih investicija.

Kako Zakon o dugu, zaduživanju i garancijama u Federaciji BiH, niti Zakon o izvršenju Budžeta Tuzlanskog kantona za 2023.godinu, ne poznaju proceduru donošenja odluke o davanju prethodne saglasnosti za kreditno zaduženje, Ministarstvo finansija zatražilo je od Federalnog ministarstva finansija/finansija procjenu kreditne sposobnosti Tuzlanskog kantona, odnosno stav o mogućnosti kreditnog zaduženja Tuzlanskog kantona kod razvojne banke Federacije BiH u iznosu cca 20.000.000,00 KM, uz uvažavanje projekata koji bi bili finansirani kreditnim sredstvima.

Federalno ministarstva finansija/financija svojim aktom broj:08-02-4-4048/23 od 07.06.2023. godine izjasnilo se da je prijedlog kreditnog zaduženja u iznosu do 20.000.000,00 KM u okviru ograničenja utvrđenih Zakonom o dugu, zaduživanju i garancijama u Federaciji BiH.

Takođe, Federalno ministarstva finansija/financija svojim aktom broj:08-02-4-4048/23 od 02.06.2023. godine izdalo je Ministarstvu finansija Potvrdu o urednom servisiranju obaveza po kreditima ili zakonom utvrđenih obaveza prema Federalnom ministarstvu finansija/financija.

U zadnjim konsultacijama sa Razvojnomo bankom Federacije BiH obavješteni smo da bi Tuzlanskom kantonu mogla biti stavljena na raspolaganje kreditna sredstva u iznosu cca 15.000.000,00-18.000.000,00 KM, te zbog nepoznatog tačnog iznosa predloženo je kreditno zaduženje do 20.000.000,00 KM.

Tačkama IV i V prijedloga Odluke utvrđeno je ovlašćenje za Vladu Kantona da izuzetno, može svojom odlukom, na obrazložen prijedlog resornog ministarstva, izmjeniti kapitalni projekat koji se finansira iz sredstva kreditnog zaduženje navedenog u tački II ove odluke, a iz razloga, da, za kapitalni projekat ne bude blagovremeno pripremljena sva potrebna dokumentacija (urbanistička saglasnost, građevinska dozvola ili druga dokumentacija), da se ne otpočne sa građenjem u ostavljenom roku ili da Razvojna Banka odbije zahtjev za kreditiranje kapitalnog projekta, odnosno, te izuzetno, ovlašćenje za Vladu Tuzlanskog kantona da može svojom odlukom, na obrazložen prijedlog resornog ministarstva, izmjeniti visinu kreditnih sredstava za finansiranje pojedinačnih projekata iz tačke II ove odluke, što podrazumjeva unutarnja preraspodjelu iznosa novčanih sredstava između pojedinačnih projekata navedenih u tački II ove odluke.


Finansijaska sredstva za povrat sredstava kreditnog zaduženja planirat će se u budžetima Tuzlanskog kantona za period trajanja povrata kreditnih sredstava.

Predloženi projekti podržani su tačkom 10. Zaključka Vlade Tuzlanskog kantona broj:02/1-11-19771/23 od 08.06.2023. godine.

VLADA KANTONA

Naš znak, datum: 5969 -VIII/23; 25.5.2023. godine

Tuzlanski kanton
Ministarstvo finansija
Turalibegova 40, Tuzla 75000
Ministar Suad Mustajbašić, dipl.oec.


KANTON
TUZLA
MINISTARSTVO FINANSIJA
02/2461/11
30.5.23

Predmet: Informacija po zahtjevu, dostavlja se

Poštovani,

u skladu sa dopisom Ministarstva finansija Tuzlanskog kantona, broj 07-11-11-11784/23 od 16.05.2023. godine, kojim ste u ime Vlade Tuzlanskog kantona, iskazali interes prema Razvojnoj banci FBiH za dostavu vašeg potencijalnog zahtjeva za kreditno zaduženje, namijenjenom za kapitalne projekte na Tuzlanskom kantonu kod Razvojne banke FBiH, u nastavku dostavljamo odgovor na isti.

Naime, u okviru svojih nadležnosti, a u sklopu svojih ciljeva poslovanja, Razvojna banka FBiH, kako bi potakla sistemski, održiv i ravnomjeran privredni i društveni razvoj Federacije, formirala je posebnu kreditnu liniju za finansiranje investicionih projekata općina, gradova, kantona i Federacije BiH.

Uslovi kreditni linije u sljedeći:

- rok otplate do 12 godina, sa grace periodom do 12 mjeseci (grace period uključen u rok otplate)
- nominalna kamatna stopa 2,50% fiksna na godišnjem nivou
- minimalan iznos pojedinačnog kredita je 50.000,00 KM
- otplata kredita: mjesečna, kvartalna ili polugodišnja
- naknada za obradu kreditnog zahtjeva je 0,30% jednokratno od iznosa odobrenog kredita

U skladu sa aktima Banke, Kanton za koji Federalno ministarstvo finansija potvrdi da je kreditno sposoban za traženi iznos kredita i da uredno izvršava ugovorom preuzete obaveze po prethodnim projektima može podnijeti zahtjev za kredit. Obezbjedenje kredita su mjenice planirane kao budžetski izdatak u period trajanja kreditne obaveze.


Potrebna dokumentacija uz kreditni zahtjev iz ove kreditne linije, obrasci banke, kao i ostali obrasci mogu se preuzeti na linku: <https://rbfbih.ba/dugorocni-krediti/finansiranje-investicionih-projekata-opcina-gradova-kantona-federacije-bih/>.

U očekivanju da će se u narednom periodu realizovati saradnja Razvojne banke FBiH sa Tuzlanskim kantonom, obavještavamo Vas da je Banka svakako spremna razmotriti Vaš eventualni kreditni zahtjev, koji je neophodno podnijeti na propisanom obrascu i sa kompletnom gore navedenom potrebnom dokumentacijom.

S poštovanjem,



Predsjednica Uprave


Doc.dr.sci. Mersiha Šlipčević, dipl.oec.

BOSNA I HERCEGOVINA
FEDERACIJA BOSNE I HERCEGOVINE
FEDERALNO MINISTARSTVO FINANSIJA
FEDERALNO MINISTARSTVO FINANSIJA
SARAJEVO

BOSNIA AND HERZEGOVINA
FEDERATION OF
BOSNIA AND HERZEGOVINA
FEDERAL MINISTRY OF FINANCE
SARAJEVO

Broj: 08-02-4-4048/23
Sarajevo, 07.06.2023. godine

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
MINISTARSTVO FINANSIJA

09/2833/23
21-6, 23

Primljeno: 7.6.2023

Org. jed.	Klas. oznaka	Redni broj	Br. priloga
04.	11-	12927	25.

PREDMET: Procjena kreditne sposobnosti

Poštovani,

U vezi sa vašim zahtjevom broj 07/1-11-12927/23 od 25.05.2023.godine kojim tražite procjenu kreditne sposobnosti u svrhu zaduženja kod Razvojne banke FBiH u iznosu od 20,00 mil. KM za finansiranje kapitalnih projekata, obavještavamo vas o slijedećem:

U skladu sa članom 7. stav 2. Zakona o dugu, zaduživanju i garancijama u Federaciji BiH ("Službene novine Federacije BiH", br. 86/07, 24/09, 44/10 i 30/16) kantoni se mogu dugoročno zadužiti ukoliko u vrijeme odobrenja zaduženja iznos servisiranja duga za ukupan unutrašnji i vanjski dug i garancije koje dospijevaju u svakoj narednoj godini, uključujući i servisiranje za predloženo novo zaduženje i sve zajmove za koje su izdate garancije kantona, ne prelaze 10% prihoda ostvarenih u prethodnoj fiskalnoj godini.

Federalno ministarstvo finansija - financija je uspostavilo i vodi evidenciju o stanju duga u Federaciji BiH u skladu sa Zakonom o dugu i Pravilnicima o evidenciji duga i garancija FBiH ("Službene novine Federacije BiH", broj: 14/08).

Nakon uvida u evidencije Federalnog ministarstva finansija - financija i dokumentaciju koju je dostavio Kanton Tuzla, te uzimajući u obzir iznos servisiranja postojećeg duga koji dospijeva u svakoj narednoj godini, ostvarene prihode Kantona u 2022. godini (470,83 mil. KM), utvrđeno je da maksimalan godišnji iznos servisiranja duga može iznositi do 47.082.994 KM.

Na osnovu navedenog, godišnji iznos servisiranja po osnovu novog zaduženja (otplata glavnice i kamata), uz pretpostavku zadržavanja visine prihoda na istom nivou, od 2024. godine može iznositi od 40.279.674 KM do 43.645.730 KM 2029.godine. Od 2030. godine iznos servisiranja može iznositi do 47,08 mil. KM. S obzirom da je planirano novo zaduženja u iznosu od 20,00 mil. KM, isto je u okviru ograničenja utvrđenih Zakonom

S poštovanjem



MINISTAR

Toni Kraljević

Broj: 08-02-4-4048/23 D.Č
Sarajevo, 02.06.2023.godine

TUZLANSKI KANTON
MINISTARSTVO FINANSIJA
TUZLA
N/p ministra

12/2859/23
22 6 24

PREDMET: Potvrda o urednom servisiranju obaveza po kreditima, dostavlja se

VEZA: Vaš akt broj: 07/1-11-12927/23, od 25.05.2023. godine

Vašim aktom, broj i datum gornji, obratili ste se Federalnom ministarstvu finansija-financija sa zahtjevom za izdavanje potvrde o urednom servisiranju obaveza po kreditima ili zakonom utvrđenih obaveza prema Federalnom ministarstvu finansija-financija u svrhu kreditnog zaduženja kod razvojne banke Federacije BiH u iznosu cca 20.000.000.00 KM. U vezi s naprijed navedenim, obavještavamo Vas da Tuzlanski kanton nema neizmirenih obaveza po osnovu vanjskog duga prema Federalnom ministarstvu finansija-financija.

Potvrda se izdaje na zahtjev Tuzlanskog kantona radi pribavljanja potrebne dokumentacije za obradu kreditnog zahtjeva kod Razvojne banke Federacije BiH.

S poštovanjem,

MINISTAR
Toni Kraljević

Broj: 02/1- 11- 19771/23
Tuzla, 08.06.2023. godine

Edina / 07/11
TUZLANSKI KANTON
01/ 189/23
9 6 2

Na osnovu člana 5. i 29. Zakona o Vladi Tuzlanskog kantona („Službene novine Tuzlanskog kantona“, br. 17/00, 1/05, 11/06, 13/11 i 15/17), Vlada Tuzlanskog kantona na sjednici održanoj dana 08.06.2023. godine, d o n o s i

ZAKLJUČAK

1. Zadužuje se Ministarstvo finansija da pokrene proceduru izrade Izmjena i dopuna Budžeta Tuzlanskog kantona za 2023. godinu i Izmjena i dopuna Zakona o izvršenju Budžeta Tuzlanskog kantona za 2023. godinu u cilju usklađivanja prihoda i primitika sa ostvarenim prihodima za period 01.01. - 31.05.2023. godine, te procjenom do kraja 2023. godine, kao i usklađivanje rashoda i izdataka sa procijenjenim prihodima.
2. Zadužuje se Ministarstvo finansija da u Izmjenama i dopunama Budžeta Tuzlanskog kantona za 2023. godinu izmjeni gornje granice rashoda u aplikaciji eBudget (izvor 10) na potrošačkim jedinicama na sljedeći način:
 - poveća sredstva na potrošačkoj jedinici 11010001 – Vlada Tuzlanskog kantona u iznosu od 214.500,00 KM (komisije u iznosu 14.500,00 KM i pomoć Unsko-Sanskom kantonu u iznosu od 200.000,00 KM),
 - poveća sredstva na potrošačkoj jedinici 11010002 – Kapitalni izdaci za korisnike budžetskih sredstava u iznosu od 2.180.000,00 KM,
 - poveća sredstva na potrošačkoj jedinici 11010023 – Podrška nedovoljno razvijenim, nerazvijenim i izrazito nerazvijenim općinama u iznosu od 350.000,00 KM,
 - poveća sredstva na potrošačkoj jedinici 16010002 – Povrat više uplaćenih javnih prihoda u iznosu od 3.300.000,00 KM (Rješenje Poreske uprave Lukavac o utvrđivanju prava na povrat više uplaćenih javnih prihoda poreznom obvezniku Global Ispat Koksna Industrija d.o.o Lukavac),
 - poveća sredstva na potrošačkoj jedinici 18010002 – Zaštita okoline u iznosu od 650.000,00 KM (500.000,00 KM za provođenje mjera energetske efikasnosti i 150.000,00 KM za finansiranje troškova redovnog rada JU Zaštićeni pejzaž “Konjuh“ Banovići),
 - poveća sredstva na potrošačkoj jedinici 19010001 – Ministarstvo zdravstva u iznosu od 1.660.000,00 KM (za sufinansiranje rada Roditeljske kuće u Tuzli - Udruženje Srce za djecu oboljelu od raka u iznosu od 50.000,00 KM, refundacija premije osiguranja ZZO TK za 2023. godinu u iznosu od 1.600.000,00 KM i materijalni troškovi – komisije u iznosu od 10.0000,00 KM),
 - poveća sredstva na potrošačkoj jedinici 20010001 – Ministarstvo za boračka pitanja u iznosu od 14.000,00 KM (materijalni troškovi),
 - poveća sredstva na potrošačkoj jedinici 22010001 – Ministarstvo trgovine, turizma i saobraćaja u iznosu od 3.190.000,00 KM (1.000.000,00 KM za rekonstrukciju i sanaciju lokalnih puteva, 690.000,00 KM rekonstrukcija prilaznog puta prema centranj reginalnoj deponiji „Eko- Sep“, 450.000,00 KM izgradnja mosta „Zelenika“ na rijeci Oskova, Općina Banovići i Grad Živinice i 1.050.000,00 KM za promociju TK u SAD-a),


- povećća sredstva na potrošačkoj jedinici 22010002 – JP Međunarodni aerodrom Tuzla u iznosu od 1.000.000,00 KM,
- povećća sredstva na potrošačkoj jedinici 23020001 – Stalna i privremena novčana pomoć u iznosu od 400.000,00 KM (od navedenog iznosa iznos od 300.000,00 KM se odnosi na novčanu pomoć licima sa smetnjama u fizičkom ili psihičkom razvoju),
- povećća sredstva na potrošačkoj jedinici 23020002 – Naknada za smještaj štičenika u ustanove u iznosu od 810.000,00 KM (od navedenog iznosa iznos od 75.000,00 KM se odnosi na smještaj majki Srebrenice u novoizgrađeni dom),
- povećća sredstva na potrošačkoj jedinici 23020009 – Materijalno zbrinjavanje lica u stanju socijalne potrebe u iznosu od 4.050.000,00 KM (jednokratna pomoć penzionerima 3.700.000,00 KM i 350.000,00 KM za UG Centar za ranu intervenciju djece s teškoćama u razvoju “Mali svijet”),
- povećća sredstva na potrošačkoj jedinici 23020012 – Zaštita porodice sa djecom u iznosu od 12.752.000,00 KM (102.000,00 KM za obrok učenicima u osnovnim školama, 650.000,00 KM dodatna novčanu pomoć za zaposlene majke porodilje i 12.000.000,00 KM naknada za nezaposlene majke porodilje),
- povećća sredstva na potrošačkoj jedinici 23020013 – Subvencije za djecu, učenike i studente u iznosu od 234.170,00 KM,
- povećća sredstva na potrošačkoj jedinici 32020005 – JU Bosanski kulturni centar Tuzla u iznosu od 10.000,00 KM.

3. Zadužuje se Ministarstvo obrazovanja i nauke da izvrši analizu rashodovne strane u dijelu bruto plaća, doprinosa poslodavca, posebne naknade na dohodak za zaštitu od prirodnih i drugih nesreća, naknada troškova zaposlenih, materijalnih troškova, troškova prevoza učenika, te procijene potrebna sredstva za ove namjene do kraja 2023. godine za oblast osnovnog, srednjeg i visokog obrazovanja, uzimajući u obzir postojeće propise i dostave procjenu potrebnih sredstva Ministarstvu finansija, koje će povećati gornju granicu rashoda u aplikaciji eBudget (izvor 10) za budžetske korisnike iz oblasti obrazovanja u skladu sa zahtjevom.
4. Zadužuje se Ministarstvo obrazovanja i nauke da potrebna sredstva za jednokratne stipendije za učenike završnih razreda srednjih škola u iznosu od 1.135.000,00 KM i sredstva za sufinansiranje izgradnje objekta Muzičke škole u Tuzli u iznosu od 120.000,00 KM obezbjedi prestruktuiranjem rashoda unutar potrošačke jedinice 24010018 sa planiranih sredstva za nabavku udžbenika za učenike osnovnih škola.
5. Zadužuju se svi budžetski korisnici da planiraju sredstva regresa za godišnji odmor u iznosu od 632,50 KM (razlika u iznosu 52,50 KM) i isplatu zaposlenicima povodom vjerskih praznika u iznosu od 360,00 KM po zaposlenom. Budžetski korisnici su dužni da izvrše analizu rashoda na svojoj potrošačkoj jedinici, te predlože prestruktuiranje postojećih rashoda u cilju obezbjeđenja potrebnih sredstva za navede namjene, a budžetski korisnici koji nisu u mogućnosti obezbjediti nedostajuća sredstva, procjenu potrebnih sredstva dostave Ministarstvu finansija, koje će povećati gornju granicu rashoda u aplikaciji eBudget (izvor 10) za budžetske korisnike.
6. Zadužuju se svi budžetski korisnici da izvrše analizu rashodovne strane u dijelu ostalih naknada troškova zaposlenih, materijalnih troškova i drugih rashoda, te izvrše procjenu potrebnih sredstva za ove namjene do kraja 2023. godine i u slučaju nedostajućih sredstva predlože prestruktuiranje rashoda unutar odobrenih gornjih granica (limita).

7. Zadužuju se svi budžetski korisnici da izvrše analizu rashodovne strane svojih pozicija u dijelu vlastitih prihoda, transfera i donacija, s obzirom da postoje velika odstupanja ostvarenih prihoda po ovom osnovu u odnosu na planirane rashode i izdatke u Budžetu Tuzlanskog kantona za 2023. godinu, te predlože korekcije istih.
8. Zadužuje se Ministarstvo finansija i Ured za borbu protiv korupcije i upravljanjem kvalitetom TK da planiraju sredstva za 3 državna službenika za period juli – decembar 2023. godine.
9. Zadužuje se Ministarstvo finansija i Ministarstvo privrede da planiraju sredstva za 1 državnog službenika za period juli – decembar 2023. godine.
10. Zadužuje se Ministarstvo finansija da planira primitke od domaćeg kreditnog zaduženja kod Razvojne banke Federacije BiH u iznosu od 20.000.000,00 KM, a nadležni budžetski korisnici planiraju izdatke (izvora 60 primici) sljedeće projekte: završetak izgradnje zgrade Policijske uprave Tuzla u iznosu od 1.500.000,00 KM, izgradnja zgrade Općinskog suda u Lukavcu u iznosu od 3.000.000,00 KM, izgradnja zgrade Općinskog suda u Živinicama u iznosu od 3.000.000,00 KM, izgradnja zgrade PU Živinice u iznosu od 3.000.000,00 KM, rekonstrukcija zgrade Vlade Kantona u iznosu od 5.000.000,00 i izgradnja, adaptacija, opremanje i vanjsko uređenje Kampusa Univerziteta u Tuzli u iznosu od 4.500.000,00 KM.
11. Zadužuje se Ministarstvo finansija da izvrši izmjene gornjih granica rashoda u aplikaciji eBudget (izvor 10) na potrošačkim jedinicama u skladu sa donesenim Odlukama i Rješenjima o unutrašnjim preraspodjelama rashoda i izdataka sa 08.06.2023. godine.
12. Ministarstvo finansija u okviru ukupno odobrene gornje granice rashoda može izvršiti izmjene gornjih granica rashoda (limita) na potrošačkim jedinicama po zahtjevima budžetskih korisnika.
13. Zadužuje se Ministarstvo finansija da u Izmjenama i dopunam Budžeta Tuzlanskog kantona za 2023. godinu planira transfer iz Budžeta Federacije BiH za niže nivoe vlasti (kantone) iz 2023. godine u iznosu od 38.928.152,00 KM i za dio nedostajućih sredstva planira dio prenesenog viška prihoda nad rashodima ranih godina.
14. Zadužuje se Ministarstvo finansija da u saradnji sa svim ministarstvima, upravama, uredima i ostalim budžetskim korisnicima do 19.06.2023. godine dostavi prijedlog Izmjena i dopuna Budžeta Tuzlanskog kantona za 2023. godinu i Izmjena i dopuna Zakona o izvršenju Budžeta Tuzlanskog kantona za 2023. godinu Vladi Kantona na razmatranje.

DOSTAVITI:

- 1 x Ministarstvu finansija
- 1 x Svim ministarstvima, upravama i uredima
- 1 x Evidenciji
- 1 x a/a



PREMIJER KANTONA

Irfan Halilagić